

Prezidente Repúblika promulga lei OJE 2022



Prezidente Repúblika, Francisco Guterres Lú Olo. Imajen TATOLI/António Gonçalves.

DILI, 03 janeiru 2022 (TATOLI)—Prezidente Repúblika, Francisco Guterres Lú Olo, promulga ona lei Orsamentu Jerál Estadu (OJE) 2022.

Tuir Konstituisaun haruka (liuhusi artigu 115, n^o1, alínea d) no artigu 145^o, n^o1), tinan-tinan, Governu mak iha kbiit atu prepara proposta-Lei refere ba Orsamentu Jerál Estadu (OJE).

Governu hato'o proposta-Lei kona-ba OGE 2022 ba Parlamentu Nasionál iha 15 outubru 2021, ho montante \$1,675,000.000.

“Tanba deputadu sira aprova proposta foun liu 100 durante diskusaun espesialidade, Parlamentu Nasionál hato'o Dekretu kona-ba OJE 2022 ba Prezidente Repúblika ho montante total \$2,17,328.791,” refere komunikadu imprensa ne'ebé Agência Tatoli asesu hosi Palásiu Prezidensiál Nicolau Lobato, Bairru Pite, Dili, segund ane'e.

Hafoin tetu kle'an Dekretu kona-ba Orsamentu Jerál Estadu ba tinan 2022, Prezidente Repúblika Francisco Guterres Lú Olo, ho kbiit konstistusionál promulga Diploma n^o55/V ne'ebé dekreta hosi Parlamentu Nasionál, iha 16 dezembru liubá.

Ho promulgasaun hosi Prezidente Repúblika, lei ne'e tama ein-vigor iha loron tuir kedas publikasaun iha Jornál Repúblika ho efeitu hosi 01 janeiru 2022.

Tama iha Orsamentu Jerál Estadu 2022 reseita no despeza Estadu nian, inklui fundu no servisu sira autónomu no orsamentu seguransa sosiál.

Orsamentu 2022 sei tau matan ba prioridade nasional neen mak: 1) dezvoltimentu kapital umanu (edukasaun, formasaun profisionál no saúde); 2) abitasaun no inkluziun sosiál; 3) setór produtivu sira (agrikultura no turismu), ambiente no konetividade; 4) dezvoltimentu setór privadu; 5) dezvoltimentu rural no 6) boa governasaun.

Jornalista : Nelson de Sousa Editór : Cancio Ximenes



PRESIDÊNCIA DA REPÚBLICA

CASA CIVIL

KOMUNIKADU IMPRENSA

PREZIDENTE REPÚBLIKA PROMULGA LEI ORSAMENTU JERÁL ESTADU 2022

Palásiu Prezidensiál Nicolau Lobato, Dili, 3 janeiru 2022

Tuir Konstituisaun haruka (liuhusi artigu 115, n°1, alínea d) no artigu 145°, n°1), tinan-tinan, Governu mak iha kbiit atu prepara proposta-Lei refere ba Orsamentu Jerál Estadu (OJE).

Governu hato'o proposta-Lei kona-ba OGE 2022 ba Parlamentu Nasionál iha 15 outubru 2021, ho montante USD 1,675.000.000.

Tanba deputadu sira aprova proposta foun liu 100 durante diskusaun espesialidade, Parlamentu Nasionál hato'o Dekretu kona-ba OJE 2022 ba Prezidente Repúblika, ho montante total USD1,949.043.291 (besik biliaun 1.95).

Hafoin tetu klean Dekretu kona-ba Orsamentu Jerál Estadu ba tinan 2022, Prezidente Repúblika Francisco Guterres Lú Olo, ho kbiit konstistusionál, promulga Diploma n°55/V ne'ebé dekreta husi Parlamentu Nasionál, iha 16 dezembru liubá.

Ho promulgasaun husi Prezidente Repúblika, lei ne'e tama en-vigor iha loron tuir kedas publikasaun iha Jornál Repúblika, ho efeitu husi 1 janeiru 2022.

Tama iha Orsamentu Jerál Estadu 2022 reseitas no despezas Estadu nian, inklui fundus no servisus autónomus no orsamentu seguransa sosiál.

Tuir komunikadu imprensa husi Governu, Orsamentu 2022 sei tau matan ba prioridade nasional neen: 1) dezvoltimentu kapital umanu (edukasaun, formasaun profesionál no saúde);2) abitasaun no inkluzoan sosiál; 3) setór produtivu sira (agrikultura no turismu), ambiente no konetividade; 4) dezvoltimentu setór privadu; 5) dezvoltimentu rural no 6) boa governasaun.

Mídia PR

Para Mais Informações por favor Contacte:

SERVIÇO DE COMUNICAÇÃO SOCIAL DA PRESIDÊNCIA DA REPÚBLICA DEMOCRÁTICA DE TIMOR-LESTE

Contactos: Telemóvel:(+670) 77746223/ 77304491

E-mail: nelson.quintao@presidenciarepublica.tl/nuno.rodrigues@presidenciarepublica.tl